

## ÁKVÖRÐUN FRAMKVÆMDASTJÓRNARINNAR

2002/EES/47/11

frá 26. september 2000

**um aðferð við staðfestingu á samræmi byggingarvara samkvæmt 2. mgr. 20. gr. tilskipunar ráðsins 89/106/EBE að því er varðar sex vörur sem veita á evrópskt tæknisamþykki án viðmiðunarreglna(\*)**

(tilkynnt með númeri C(2000) 2641)

(2000/606/EB)

FRAMKVÆMDASTJÓRN EVRÓPUBANDALAGANNA  
HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 89/106/EBE frá 21. desember 1988 um samræmingu á lögum og stjórn-sýslufyrirmælum aðildarríkjanna um byggingarvörur <sup>(1)</sup>, eins og henni var breytt með tilskipun 93/68/EBE <sup>(2)</sup>, einkum 4. mgr. 13. gr.

og að teknu tilliti til eftirfarandi:

- 1) Þegar staðfesta á samræmi vöru skal framkvæmdastjórnin velja á milli aðferðanna tveggja sem kveðið er á um í 3. mgr. 13. gr. tilskipunar 89/106/EBE og velja auðveldari aðferðina af þeim sem samrýmast öryggissjónarmiðum. Þetta merkir að nauðsynlegt er að ákveða, með tilliti til ákveðinnar vöru, hvort framleiðslustýringarkerfi í verksmiðju, sem framleiðandi ber ábyrgð á, er nauðsynlegt og fullnægjandi skilyrði fyrir staðfestingu á samræmi eða hvort þörf er á afskiptum viðurkennds vottunaraðila af ástæðum er varða samræmi við viðmiðanirnar sem um getur í 4. mgr. 13. gr.
- 2) Samkvæmt 4. mgr. 13. gr. skal aðferðin, sem þannig er valin, tilgreind í umboðunum og tækniforskriftunum. Því er æskilegt að tilgreina þær vörur sem um getur í tækniforskriftunum.
- 3) Aðferðunum tveimur, sem kveðið er á um í 3. mgr. 13. gr., er lýst ítarlega í III. viðauka við tilskipun 89/106/EBE. Því er nauðsynlegt að tilgreina með skýrum hætti, með hliðsjón af III. viðauka, hvernig þessum tveimur aðferðum skuli beitt að því er varðar hverja vöru, þar eð ákveðin kerfi eru tekin fram yfir önnur í III. viðauka.
- 4) Aðferðin, sem um getur í a-lið 3. mgr. 13. gr., svarar til kerfanna sem eru tilgreind í fyrsta kosti, án stöðugs eftirlits, og í öðrum og þriðja kosti í ii-lið 2. þáttar í

III. viðauka. Aðferðin, sem um getur í b-lið 3. mgr. 13. gr., svarar til kerfanna sem eru tilgreind í i-lið 2. þáttar III. viðauka og í fyrsta kosti í ii-lið 2. þáttar í III. viðauka með stöðugu eftirliti.

- 5) Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um byggingarmál.

SAMÞYKKT ÁKVÖRÐUN ÞESSA:

1. gr.

Staðfesta skal samræmi vara, sem eru tilgreindar í I. viðauka, með aðferð þar sem framleiðandinn ber einn ábyrgð á framleiðslustýringarkerfi í verksmiðju sem tryggir að vara sé í samræmi við viðeigandi tækniforskriftir.

2. gr.

Staðfesta skal samræmi vara, sem eru tilgreindar í II. viðauka, með aðferð þar sem gert er ráð fyrir, til viðbótar við framleiðslustýringarkerfi í verksmiðjunni sem framleiðandinn starfrækir, þátttöku viðurkennds vottunaraðila við mat og eftirlit með framleiðslustýringunni eða vörunni sjálfri.

3. gr.

Tilgreina skal aðferðina, sem nota skal til að staðfesta samræmi eins og fram kemur í III. viðauka, í viðkomandi evrópsku tæknisamþykki.

4. gr.

Ákvörðun þessari er beint til aðildarríkjanna.

Gjört í Brussel 26. september 2000.

Fyrir hönd framkvæmdastjórnarinnar,

Erkki LIIKANEN

framkvæmdastjóri.

(\*) Þessi EB-gerð, sem birtist í Stjtið. EB L 258, 12.10.2000, bls. 38, var nefnd í ákvörðun sameiginlegu EES-nefndarinnar nr. 3/2002 frá 1. febrúar 2002 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn. Sjá EES-viðbæti við Stjórnartíðindi Evrópubandalaganna nr. 18, 4.4.2002, bls. 4.

<sup>(1)</sup> Stjtið. EB L 40, 11.2.1989, bls. 12.

<sup>(2)</sup> Stjtið. EB L 220, 30.8.1993, bls. 1.

---

*I. VIÐAUKI*

Klæðningakerfi úr gifstrefjaplötum til nota innanhúss (EOTA tilv. 05.04/01):

*Til annarrar notkunar en þeirrar sem heyrir undir reglur um viðbrögð við bruna að því er varðar vörur úr efnum í flokkum A1 (\*), A2 (\*), B (\*) og C (\*).*

Forsmiðaðar lekasvuntur (EOTA tilv. 06.04/05)

---

*II. VIÐAUKI*

Klæðningakerfi úr gifstrefjaplötum til nota innanhúss (EOTA tilv. 05.04/01):

*Til notkunar sem heyrir undir reglur um viðbrögð við bruna að því er varðar vörur úr efnum í flokkum A (\*), A2(\*), B (\*) og C (\*).*

Tengi og múffur fyrir staðlaða steypustyrktarteina (EOTA tilv. 03.01/02)

Bylgjaðar stálmótaplötur til bendingar (samsett berandi gólfakerfi) (EOTA tilv. 05.02/02)

Stauratenging (tengibúnaður fyrir forsteypa burðarstaura úr steypu) (EOTA tilv. 01.03/09)

Stauratá (festingarbúnaður fyrir forsteypa burðarstaura úr steypu) (EOTA tilv. 01.03/09)

---

(\*) Vörur/efni, sem á ákveðnu, auðgreinanlegu stigi í framleiðsluferlinu, fá hagstæðari flokkun með tilliti til viðbragða við bruna (t.d. þegar logavarnarefnum er bætt við eða við takmörkun á lífrænum efnum).

## III. VIÐAUKI

## STAÐFESTING Á SAMRÆMI

*Aths:* Vegna vara/samstæðna, sem hafa fleiri en eitt þeirra áformuðu notkunargilda sem eru tilgreind í eftirtöldum töflum, safnast verkefnið upp sem viðurkenndur aðili tekst á hendur í tengslum við viðkomandi kerfi til staðfestingar á samræmi.

## SEX VÖRUR SEM VEITA Á EVRÓPSKT TÆKNISAMÞYKKI (TAFLA 1/3)

## Kerfi til staðfestingar á samræmi

Fyrir þær vörur og þau áformuðu not, sem eru talin upp hér á eftir, eru Evrópusamtökin um tæknisamþykki beðin að tilgreina eftirfarandi kerfi til staðfestingar á samræmi í viðeigandi evrópsku tæknisamþykki:

Vara	Áformuð not	Stig eða flokkur	Kerfi til staðfestingar á samræmi
Tengi og múffur fyrir staðlaða steypustyrktarteina (EOTA tilv. 03.01/02)	Til styrkingar	—	1 +
Bylgjaðar stálmótaplötur til bendingar (samsett, berandi gólfakerfi) (EOTA tilv. 05.02/02)	Til notkunar innandyra	—	2 +
Stauratenging (tengibúnaður fyrir forsteypa burðarstaura úr steypu) (EOTA tilv. 01.03/09) Stauratá (festingarbúnaður fyrir forsteypa burðarstaura úr steypu) (EOTA tilv. 01.03/09)	Til notkunar í burðarvirki	—	2 +
Klæðningakerfi úr gifstrefjaplötum til nota innanhúss (EOTA tilv. 05.04/01):	Til notkunar innandyra, í annað en burðarvirki	—	3
Forsmíðaðar lekasvuntur (EOTA tilv. 06.04/05)	Til notkunar í hlaðna vegg	—	3

Kerfi 1+: Sjá tilskipun 89/106/EBE, i-lið 2. þáttar III. viðauka; viðhöfð er úttektarprófun á sýnum sem tekin eru í verksmiðjunni.

Kerfi 2+: Sjá tilskipun 89/106/EBE, fyrsta kost í ii-lið 2. þáttar III. viðauka, þ.m.t. vottun samþykks aðila á framleiðslustýringu verksmiðju á grundvelli fyrstu skoðunar á verksmiðjunni og framleiðslustýringu í verksmiðjunni auk stöðugs eftirlits með, mats og samþykkis á framleiðslustýringu í verksmiðjunni.

Kerfi 3: Sjá tilskipun 89/106/EBE, annan kost í ii-lið 2. þáttar III. viðauka.

Forskriftin fyrir kerfið skal þannig úr garði gerð að hægt sé að nota hana, jafnvel þegar ekki er þörf á að ákvarða nothæfi tiltekins eiginleika þar sem ekki hafa verið gerðar neinar lögboðnar kröfur um viðkomandi eiginleika í minnst einu aðildarríki (sjá 1. mgr. 2. gr. tilskipunar 89/106/EBE og, eftir atvikum, lið 1.2.3 í grunnskjölunum). Í slíkum tilvikum má ekki gera þá kröfu til framleiðandans að hann sannprófi viðkomandi eiginleika óski hann ekki eftir að tilgreina nothæfi vörunnar í þeim efnum.

## SEX VÖRUR SEM VEITA Á EVRÓPSKT TÆKNISAMÞYKKI (TAFLA 2/3)

## Kerfi til staðfestingar á samræmi

Fyrir þær vörur og þau áformuðu not, sem eru talin upp hér á eftir, eru Evrópusamtökin um tæknisamþykki beðin að tilgreina eftirfarandi kerfi til staðfestingar á samræmi í viðeigandi evrópsku tæknisamþykki:

Vara	Áformuð not	Stig eða flokkur	Kerfi til staðfestingar á samræmi
Klæðningakerfi úr gifstrefjaplötum til nota innanhúss (EOTA tilv. 05.04/01):	Til notkunar sem heyrir undir reglur um viðbrögð við bruna	A1 (*), A2 (*), B (*), C (*)	1
		A1 (**), A2 (**), B (**), C (**), D, E	3
		(A1 til E)(***), F	4

Kerfi 1: Sjá tilskipun 89/106/EBE, i-lið 2. þáttar III. viðauka, án úttektarprófunar á sýnum.

Kerfi 3: Sjá tilskipun 89/106/EBE, annan kost í ii-lið 2. þáttar III. viðauka.

Kerfi 4: Sjá tilskipun 89/106/EBE, þriðja kost í ii-lið 2. þáttar III. viðauka.

(\*) Vörur/efni, sem á ákveðnu, auðgreinanlegu stigi í framleiðsluferlinu, fá hagstæðari flokkun með tilliti til viðbragða við bruna (t.d. þegar logavarnarefnum er bætt við eða við takmörkun á lífrænum efnunum).

(\*\*) Vörur/efni önnur en þau sem neðanmálgreinin (\*) vísar til.

(\*\*\*) Vörur/efni sem ekki þarf að prófa með tilliti til viðbragða við bruna (t.d. vörur/efni sem teljast til flokks A1 skv. ákvörðun framkvæmdastjórnarinnar 96/603/EB, með áorðnum breytingum).

Forskriftin fyrir kerfið skal þannig úr garði gerð að hægt sé að nota hana, jafnvel þegar ekki er þörf á að ákvarða nothæfi tiltekins eiginleika þar sem ekki hafa verið gerðar neinar lögboðnar kröfur um viðkomandi eiginleika í minnst einu aðildarríki (sjá 1. mgr. 2. gr. tilskipunar 89/106/EBE og, eftir atvikum, lið 1.2.3 í grunnskjölunum). Í slíkum tilvikum má ekki gera þá kröfu til framleiðandans að hann sannprófi viðkomandi eiginleika óski hann ekki eftir að tilgreina nothæfi vörunnar í þeim efnunum.

## SEX VÖRUR SEM VEITA Á EVRÓPSKT TÆKNISAMÞYKKI (TAFLA 3/3)

## Kerfi til staðfestingar á samræmi

Fyrir þær vörur og þau áformuðu not, sem eru talin upp hér á eftir, eru Evrópusamtökin um tæknisamþykki beðin að tilgreina eftirfarandi kerfi til staðfestingar á samræmi í viðeigandi evrópsku tæknisamþykki:

Vara	Áformuð not	Stig eða flokkur	Kerfi til staðfestingar á samræmi
Klæðningakerfi úr gifstrefjaplötum til nota innanhúss (EOTA tilv. 05.04/01):	Til notkunar sem heyrir undir reglur um viðbrögð við bruna	hvaða stig eða flokkur sem vera skal	3

Kerfi 3: Sjá tilskipun 89/106/EBE, annan kost í ii-lið 2. þáttar III. viðauka.

Forskriftin fyrir kerfið skal þannig úr garði gerð að hægt sé að nota hana, jafnvel þegar ekki er þörf á að ákvarða nothæfi tiltekins eiginleika þar sem ekki hafa verið gerðar neinar lögboðnar kröfur um viðkomandi eiginleika í minnst einu aðildarríki (sjá 1. mgr. 2. gr. tilskipunar 89/106/EBE og, eftir atvikum, lið 1.2.3 í grunnskjölunum). Í slíkum tilvikum má ekki gera þá kröfu til framleiðandans að hann sannprófi viðkomandi eiginleika óski hann ekki eftir að tilgreina nothæfi vörunnar í þeim efnunum.